

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelungen Liet

Müller, Christoph Heinrich

Berlin, 1782

Aventuure wie Ruedeger erslagen wart

[urn:nbn:de:bsz:31-161443](https://nbn-resolving.org/urn:nbn:de:bsz:31-161443)

104 AVENTUIRE WIE DRIE KUNEGE MIT EZELE UND MIT &c.

- 8323 Do sprach der videlare wir sin et aber hie
Ine gefach zem tode nie helde gerner chomen.
25 Die daz golt des kuniges uns ze vare hant geno-
men.
Dō riefen ir genuoge naher heledē baz.
Daz wir da fulen enden und tuon bezite daz.
Hie belibet niemen wan doch der sterben sol.
Do sahe man schiere ir schilde stechen ger schuzze
vol.
30 Waz mag ich sagen mere wol zwelfhundert man.
Verfuhten ez vil sere wider und dan.
Do chulten an den vinden die geste wol ir muot.
Ez ennohte niemen scheiden dez sah man vliezzen
das bluot.
Von verch tiefen wunden der wart da vil geflagen.
35 Do horte man genuoge nach ir friunde chlagen.
Die frumen starben alle dem richen kunige her.
Des heten holde mage nach in iamer und ser.

AVENTUIRE WIE RUEDEGER ERSLAGEN
WART.

- 8338 **E**s heten die ellenden wider morgen guot getan.
Wine der gotelinde chom ze hove gegā.
40 Do sah er beidenthalben diu ungefugen ser.
Daz weinte innechliche der getriwe rudeger.
Owe sprach der reche deich ic den lip gewan.
Daz diesen starchen iamer chan niemen under stan.
Swie gern ihsvriden wolde der kunie entuot es niht.
45 Wander der sinen leide ic mere und mere gesicht.
Do fāde an dietrichen der gute rudeger.
Ob siz noch chunden wenden an den kunigen her.
Do enbot im der von berne wer moht ez understan.
Ezn wil der kunie ezele scheiden niemene lan.
50 Do sah ein hunen reche rudegeren stan.
Mit weinenden ougen und het des vil getan.
Do sprach zer kuniginne nu seht ir wie er stat.
Der doch gewalt den meisten bi iu und ezeln hat.
Und dem ez alles dienet liut und ouch diu lant.
55 Wie ist so vil der burge und der erbe an in gewant.
Das er von dem kunige so vil gehalten mac.
Er gefluc in diesen sturmen noch nie lobelichen flac.
Mich dunchet ern ruche wie ez hie umbe gat.
Daz et er den vollen nach sine willen hat.
60 Man giht im er si chuener danne iemen mage sin.
Daz ist in diesen sorgen worden bæfelicke schin.
Mit trurigem muote der vil getriwer man.
Den er daz reden horte der helt der blicht in an.
Er daht du solt ez arnen du gihest ich si verzaget.
8365 Du hast diu dinen mære ze hove ze lute gefaget.
Die fluoft begunder twingen do lief er in an.
Er fluog so chrestechliche den hunischen man.
Daz er im vor den fuzen lac vil schiere tot.
Do was aber gemeret des kunie ezeln not.
70 Fürder zage bose sprach do rudeger.
Ich han doch genuoge leit und ser.
Daz ich hie niht enstrite zwiu wizzestu mir daz.
Ja war ich den gesten grözlichen has.
Und alles daz ich mohte daz het ich in getan.
75 Niwan daz ich die degene her gefuret han.
Ich war ir geleite in mines herren lant.
Des enfol mit in niht striten min vil ellendes hant.
Do sprach zem margraven ezel der kunec her.
Wie habt ir uns geholfen vil edel rudeger.
80 Wan wir so vil der veigen hie ze lande han.
Wir bedurften ir niht mere ir habt vil ubele getan.
Do sprach der ritter edele ia beüwart er mir den muot.
Und hat mir verwizzen ere und guot.
Des ich von dinen handen habe so vil genomen.
85 Daz ist dem lügenære ein teil unstatelichen chomen.
Chriemhilt saz bi ezelen diu het ez ouch gelöhen.
Daz von des rechen zorne dem hunen was ge-
sehen.
Si chleit ez ungefuge ir ougen warn naz.
Si sprach zuo rudegere wie haben wir verdienet
daz.

8390 Daz

8390 Daz ir mir und dem kunige meret unfer leit.
 Nu habt ir uns doch rudeger alles her geseit.
 Ir woldet durch uns wagen die ere und ouch das
 leben.
 Ich hort iu vil der rechen den pris vil grozlichen
 geben.
 Ich man iuch der genaden und ir mir habt gesworn
 95 Do ir mir zuo Ezelen her ze lande rietet varn
 Daz ir mir woldet dienen an unfer eines tot
 Des enwart mir armen wibe nie so grozliche not
 Daz ist ane lungen ich swuor iu edel wip
 Ich wolde durch iuch wagen die ere und ouch den
 lip
 8400 Daz ich die sele vliefe des enhan ich niht gesworn
 Ia braht ich her ze lande die uern bruder hoch
 geborn
 Si sprach gedenche rudeger der grozen truwen din
 Der stete und ouch der eide daz du den schaden
 min
 Immer woldest rechen und elliu miniu leit
 5 Des man ich dich hiute degen chune und gemeit
 Ezele der riche vlegen ouch began
 Do buten si sich beide ze fuzen fur den man
 Den guten marcgraven truren man do sach
 Der getruwe reche harte iamerlichen sprach.
 10 Owe mir Gotes armen sprach der getruwe man
 Aller miner eren der muoz ich ab stan
 Truwen und zuhte der Got an mir gebot
 Vil richer Got von himle daz mihs wendet niht
 der tot
 Swelches ich nu laze und daz ander began
 15 So han ich bosliche und ubel getan
 Laz aber ih si beide mich schiltet elliu diet
 Nu ruche mich bewisen der mir ze lebene geriet
 Do baten si genote der kunec und ouch sin wip
 Des musen sieder degene verliefen den liep
 20 Vor Rudegeres handen da ouch der helt erstarp
 Ir muget das balde horen daz er vil iamerlichen
 warp
 Er wiste schaden gewinnen und ungefugiu leit.
 Er het dem kunige vil gerne verseit
 Und ouch der kuniginne vil sehr vorht er daz
 25 Ob er einen fluege daz in diu werlt truge haz
 Do sprach der marcgray rudeger der chune man

8427 Her chunic nu nemt hin widere al daz ich von iu han
 Lant und burge des sol mir niht besten
 Ich wil uf minen fuzen in das ellende gen
 30 Alles gutes ane so rum ich iu diu lant
 Min wip und mine tohter nim ich an mine hant
 E daz ich ane truwe beliben musē tot
 Ich het genomen ubele uwer golt also rot
 Do sprach der kunic ezele wer hulfe danne mir
 35 Daz lant zuo den burgen daz gib ich allez dir
 Daz du mich recheft rudeger an den vanden min
 Du solt ein kunic gewaltech beneben mime libe sin
 Do sprach aber rudeger wie sol ihls ane van
 Heim ze mime huse ich si geladet han
 40 Trinchen und spise ich in mit truwen bot
 Und gab in mine gabe sol ich si dar zuo slahen tot
 Die lute wānent lihte daz ich si verzaget
 Deheinen minen dieneft han ich in wider saget
 Solde ich nu mit in striten daz wære missetan
 45 So rowe mich din friuntschafft die ich mit in ge-
 worben han
 Gifelher dem degene gab ich die tohter min
 Sine chunde in dirre werlde niht baz verwendet sin
 Uf zuht und ouch uf ere uf truwe und ouch uf guot
 Ine gesach nie kunec so iungen so rehte tugentlich
 gemuot
 50 Do sprach aber chriemhilde vil edel rudeger
 Nu la dich erbarmen unfer beider ser
 Min und ouch des kuniges gedenke wol dar an
 Daz nie wirt deheiner so leide geste gewan
 Do sprach der marcgrave wider daz edel wip
 55 Ez muz noch hiute gelten der rudegeres lip
 Swaz ir und ouch min herre mir liebes habt getan
 Dar umbe muz ich sterben ez mac niht langer nu
 gestan
 Ich weiz wol daz noch hiute mine burg und minu
 lant
 Iu ledech muzen werden von ir etesliches hant
 60 Ich bevilhe iu uf genade min wip und min kint
 Und die vil ellenden die da zen bechelaren sint
 Nu lon dir got rudeger sprach der kunic do
 Er und die kuniginne si wurden beidiu vro
 Uns saln dine lute vil wol bevolhen wesen
 65 Ouch getrouwe ich mime heile daz du maht selbe
 wol genesen

P

8466 Do

- 8466 Do liez er an die wäge die sele und ouch den lip.
Do begunde weinen daz ezeln wip.
Er sprach ich wil iu leisten als ich gelobet han.
Owe der minen friunde die ich leider muoz bestan.
- 70 Man sah in von dem kunige in starchen ruwen gen.
Do sah er finer rechen ein teil da nahen stehn.
Er sprach ir sult iuch wafen alle mine man.
Die chunen burgonden muz ich nu leider bestan.
Do brahte man den rechen ir gewafen al zchant.
- 75 Ez der helm wære und ouch des schildes rant.
Von ir ingefinde wart ez in dar getragen.
Sit hortn leidiu mære die chunen ellönden sagen
Gewafent wart do rudeger mit fünf hundert man.
Daruber zwelf rechen ze helf er ouch gewan.
- 80 Die wolden pris erwerben in des sturmes not.
Sine wiffen niht der mære daz so nahe der tot.
Do sah man rudegere under helme gan.
Ez trugen swert diu scharpfen des maregraven man.
Und dar zu vor ir handen die lichten schilde breit.
- 85 Daz sach der videllære ez was im ane mære leit.
Ouch sach der iunge gifelher sinen sweher gen.
Mit ufgebundem helme wie mohter do verffen.
Waz er da mitte meinte niwan allez guot.
Des wart der kunic edele von herzen vrolich gemuot.
- 90 Nu wol mich folher friunde sprach gifelher der
degen.
Die wir han gewonnen her uf disen wegen
Wir suln mines wibes vil wol geniezen hie.
Mir ist liep uf mine truwe daz die der hyrat ergie.
Ine weiz wes ir uch træftet sprach do der spileman.
- 95 Wa gefahet ir ie durch sunne so manigen rechen gan.
Mit uf gebunden helmen die truengen swert enhant.
An uns wil dienen rudeger sine burge und finiu lant.
Be daz der videllære die rede vol sprach.
Den guten maregraven man vor dem huse sach.
- 8500 Sinen schilt den guten saz er für den fuoz.
Do mus er den gesten versagen dieneft und gruos.
Der edel maregrave rief hin uf ze hant.
Nu wert uch edeln rechen von burgonden lant.
Ir söldet min geniezen ir engeltet leider min.
- 5 E do waren wir gefriunde nu muz ich uwer vient fin.
Do erschranken dirre mære die nothaften man.
In was der trost enpfallen den si da wanden han.
- 8508 Do mit in wolde striten dem si da warn holt.
Si heten doh von vienden vil michel arbeit gedolt.
- 10 Nune welle got von himele sprach gunther der
degen.
Daz ir uch sult genaden noc an uns bewegen.
Und der vil grozen truwe der wir doch heten muot.
Ich wil iu des baz getrowen daz ir es nimmer getuot.
Ine mages niht gelazen sprach do der chuene man.
- 15 Ich muos mit iu striten wande ihs gelobet han.
Nu wert uch chunen degene so lieb si iu der lip.
Mich enwoldes niht erlazen des kunec ezeln wip.
Ir wider saget uns nu ze spate sprach do der chu-
nic her.
Nu muez iu got vergelten vil edel rudeger.
- 20 Truwe und minne di ir uns habt getan.
Ob irs an dem ende woldet minneklicher lan.
Wir söldens immer dienen daz ir uns habt gegeben.
Ich und mine mage ob ir uns liezet leben.
Die herlichen gabe do ir und uwer man.
- 25 Uns fürter friuntliche zuo dire hochgezite dan.
Wie wol ich iu des gunde sprach rudeger der degen.
Daz ich iu mine gabe noch diche solde wegen.
Mit vollen willechliche als ich des hete wan.
Sone wurde mir dar umbe nimmer schelten getan.
- 30 Erwindet edel rudeger sprach do gernot.
Wandez wirt deheiner gesten nie erbot.
So rehte minnekliche als ir uns habt getan.
Dez sult ir wol geniezen ob wir bi lebene bestan.
Daz wolde got sprach rudeger vil edel gernot.
- 35 Daz ir ze rine wæret und ich wære tot.
Mit etelichen eren sit ich iuch sol bestan.
Ez enwart noch nie an degenen wirs von friun-
den getan.
Nu lon iu got her rudeger sprach aber gernot.
Die vil richen gabe mich ruiwet uwer tot.
- 40 Sol an iu verterben so tugentlicher muot.
Ich trage hie uwer wafen daz ir mir gabet helet guot.
Daz ist mir nie gewichen in aller dirre not.
Under sinen eeken lit manie ritter tot.
Ez ist luter und state herlich und guot.
- 45 Ich wan so riche gabe ein reche nimmer mer getuot.
Und welt ir niht erwinden im wellet zuo uns gan.
Slaht ir mir iht der friunde die ich noch hinne han.

- 8548 Mit uwer selbes swerte nim ich u den lip.
So ruwet ir mich rudeger und uwer herliches wip.
- 50 Daz wolde got her gernet und mähte daz ergan.
Daz aller uwer wille ware hie getan.
Und daz genesen ware uwer friunde lip.
Iu sol vil wol getrowen bediu min tochter und min
wip.
Des antwurt im gifelher der edeln uoten kint.
- 55 Wie tuot ir so her rudeger die mit mir chomen sint.
Si sint iu alle wage ir grifet ubel zuo.
Die uwer schonen tochter welt ir verwitewen ze
fruo.
Swenne ir und uwer rechen mit strite mich bestat.
Wie rehte unfriuntliche ir daz schinen lat.
- 60 Daz ich u wol getrowe fur ander alle man.
Da von ich zeinem wibe uwer tochter mir gewan.
Gedenchet uwer truwe vil edel kunich her.
Gesendet uch Got von hinnen so sprach rudeger.
Lat die iunfrowen niht engelten min.
- 65 Durch aller fursten tugende so ruochet ir genz-
dich sin.
Daz tat ich wol von schulden sprach gifelher daz
kint.
Die edeln mine mage die noch hier inne sint.
Suln die von u ersterben so muoz gescheiden sin.
Diu vil staté friuntshaft zuo zu und ouch dem
wibe min.
- 70 Nu muez uns got genaden sprach der chune man.
Do huben si die schilde also si wolden dan.
Striten zu den gesten in chriemhilde sal.
Do rief vil lute hagene von der stiegen hin ze tal.
Belibet eine wile vil edel rudeger.
- 75 Also sprach do hagene wir wolden reden mer.
Ich und mine herren des uns twinget not.
Was mac gefrumen ezeln unfer ellenden tot.
Ich stan in grozen sorgen vil edel furste milt.
Mir gab diu marggravinne disen richen schilt.
- 80 Den habent mir die hunen zerhowen vor der hant.
Ich furt in minneklichen her in ezeln lant.
Daz wolde got von himele sprach aber hagene.
Und het ich schilt so guten hie ze tragene.
Also du hast vor hende vil edel rudeger.
- 85 Sone gerte ich hie zen hunen deheiner halsperge
mer.

- 8586 Vil gern war ich dir guot mit mime schilde.
Torft ich diren gebieten vor chriemhilde.
Doch nim du in hin hagene und trag in vor der hant.
Hey foldest du in fueren in der burgonden lant.
- 90 Do er im so willechliche den schilt ze gebne bot.
Do wart genuoger ougen von weinen harterot.
Ez was die leste gabe die fider immer mer.
Gebot deheime degene von bechelaren rudeger.
Swie grimme hagene ware und swie herte gemuot.
- 95 Doch erbarmet in diu gabe die der helt guot.
Bi sinen lesten citen so nahe het getan.
Vil manic ritter edele mit im truren began.
Nu lon u gott von himele vil edel rudeger.
Ez wirt uwer geliche deheiner nimmer mer.
- 8600 Der ellenden rechen so miltechlichen gebe.
Got sol daz gebieten daz uwer tugend immer lebe.
Nu lon ich u der gabe sprach hagene der degen.
Daz ich mich alles ubeles wil gein u bewegen.
Daz nimmer uch geruret in strite hie min hant.
- 5 Ob ir si alle fluget die von Burgonden lant.
Des neig im do mit zuhten der marcgrave her.
Die lute weinten alle daz disu starchen fer.
Niemen scheiden chunde daz was ein michel nos.
Vater aller tugende lag an rudegere tot.
- 10 Do sprach ouch von dem huse volker der spileman.
Sit min gefelle hagene den vride hat getan.
Den sult ir also stete han von miner hant.
Daz habt ir wol verdienet do wir chomen in daz lant.
Vil edeler marcgrave ir sult min bote sin.
- 15 Dife roten bouge gab mir die marggräfin.
Daz ich sie tragen solde hie zer hochgezite.
Daz han ich geleiften daz ir min ziuch des site.
Daz wolde got von himele sprach do rudeger.
Daz iu diu marggräfin noch solde geben mer.
- 20 Diu mare sage ich gerne der trutinne min.
Und gesihe ich si gesunde des sult ir ane zwivel sin.
Als er im daz gelobte den schilt huop rudeger.
Des mutes er irtobte dane beit er do niht mer.
Er lief uf zuo den gesten eime rechen gelich.
- 25 Manigen flac vil swinden fluoc der marcgrave rich.
Die zwene wichen hoher volker und hagene.
Wandez im e gelobten die snellen degene.
Noch vant er also chunen bi dem turne stan.
Daz rudeger des strites mit grozen sorgen began.

- 8630 Durch mort rêchen willen so liezen si in dar in.
 Gunther und gernot si heten heledē sin.
 Gifelher stunt uf hoher ze ware ez was im leit.
 Er versâch sich noch des lebens dar umbe er ruder-
 geren meit.
 Do sprungen zuo den vinden des marcgraven man.
- 35 Man sah si degenliche nach ir herren gan.
 Diu vil scharpfen wafen si trugen an der hant.
 Des brast da vil der helme und manic herlicher rant.
 Do flugen die vil muden manigen swinden flac.
 Dem von bechelaren der ebene gelach.
- 40 Durch die lichten ringe vaste unz uf das verch.
 Si frumten in dem sturme diu vil herlichen werch.
 Daz edel ingefinde was chomen gar dar in.
 Volker und hagene die sprungen balde hin.
 Sine gaben vride niemen wan dem einem man.
- 45 Von ir beider hande daz bluot durch helme nider
 ran.
 Wie rechte gremliche vil swerte drinne erchlanc.
 Vil der schildes spangen uz den flegen spranch.
 Des reise ir schilt gesteine verhowen in das bluot.
 Si vahnten also grimme daz man ez nimmer mer
 getuot.
- 50 Der vogt von bechelaren gte wider und dan.
 Also der mit ellen in sturme werben chan.
 Dem tet des tages ruderger mit strite wol gelich.
 Daz er ein degen ware vil chuen und ouch vil
 lobelich.
 Hie stunden dise zwene gunther und gernot.
- 55 Si fluogen in dem strite vil manigen helt tot.
 Gifelher und danchwart die bede ez ringe wach.
 Des frumten si vil manigen unz uf ir iungesten tach.
 Wol zeigte der marcgrave daz er was starch genuog.
 Chuene und wol gewasent hey was er helde fluog.
- 60 Daz sach ein burgonde do twane in zornes not.
 Da von begunde nahen des guten rudergeres tot.
 Ez was der starche gernot den helt den rief er an.
 Er sprach zem marcgraven ir welt mir minner man.
 Niht genezen lazen vil edel ruderger.
- 65 Daz muet mich ane maze ine chans niht an ge-
 sehen mer.
 Nu mag iu uwer gabe wol ze schaden chomen.
 Sit ir minger friunde mir habt so vil genomen.
- 8668 Nu wendet uch her umbe vil edel chuene man.
 Uwer gabe wirt verdienet so ich aller hohste kan.
- 70 E daz der marcgrave vol zuo zim chome dar.
 Des musen lichte ringe werden missevar.
 Do sprungen zuo zein ander die ere gernde man.
 Ir ieteweder schirmen fur starche wunden im began.
 Ir swert so scherpfē warn ez enchunde niht ge-
 wegen.
- 75 Do fluoc gernoten ruderger der degen.
 Durch helm vlinz herten daz nider vloz daz bluot.
 Daz vergalt im wol mit ellen der ritter chuen und
 guot.
 Die rudergeres gabe an hende er hohe erwach.
 Swie wunt er zem tode were er fluog im einen flac.
- 80 Durch finen schilt guoten unz uf die helm gespan.
 Da von ersterben muose der schonen gotelinde man.
 Jane wart nie wirs gelonet so richer gabe mer.
 Do vielen bede erflagene die rechen also her.
 Gelich in dem sturme von ir selber hant.
- 85 Alrerst erzurnede hagene do er den grozen scha-
 den vant
 Do sprach der helt von tronege ez ist uns ubel
 chomen.
 Wir haben an in beiden so starche schaden geno-
 men.
 Den nimmer uberwindent ir lute und ouch ir lant.
 Die rudergeres degene die muzen nu sin unser pfant.
- 90 Dane wolde ir deheiner dem andern niht vertragen.
 Vil maniger ane wunden dar nider wart geflagen.
 Der wol genesen ware ob im wart solch gedranch.
 Swie gefundt er anders ware der in dem bluot
 doch ertranch.
 O we mines bruder der tod ist hie gefruomt.
- 95 Waz mir der leiden mare zallen citen chuomt.
 Ouch muz mich immer rowen min sweher ruderger.
 Der schade ist beident halben und diu vil grozli-
 chen fer.
 Do die rechen sahen daz sie beide waren tot.
 Des marcgraven man die muzen liden not.
- 8700 Der tot der suochte sere da sin gefinde waz.
 Der von bechelaren einer langer niht genaz.
 Gunther und gifelher und ouch hagene.
 Danchwart und volker die guten degene.
 Die giengen da si funden ligen zwene man.

3705 Do wart von den heleden mit iamer weinens vil
getan.

Der tot uns fere roubet sprach gisfelher das chint.
Lazet uwer weinen und gen wir an den wint.
Daz die ringe erchuelen uns sturme muden man.
Ia wan uns got niht langer nu daz leben welle lan.

10 Den sizzen difen leinen sah man da manigen degen.
Si waren aber muzich da waren tot gelegen.
Die rudegeres helde vergangen waz der doz.
So lange wart diu stille daz sin die kuniginne erdroz.
O we mir dirre swære sprach des kuniges wip.

15 Si sprechent alze lange unfer viende lip.
Mac nu vol vri beliben vor rudegeres hant.
Er wil si wider bringen heim in der burgonden lant.
Waz hilfet chunic ezele daz wir geteilet han.
Mit im swaz er wolde der helt hat missetan.

20 Der uns da solde rechen der wil der sunne pflegen.
Des antwurt ir volker der vil zerliche degen.
Iane zimt niht reden ubele deheines kuniges wip.
Und torst ich heizen liegen alfus edel wip.
So het ir rudegere vil vreislich an gelogen.

3725 Er und die finen degene sint an der sine gar be-
trogen.

Er tet so willechliche daz im der kunic gebot.
Daz er und sin gefinde ist hic gelegen tot.
Nu seht al umbe chriemhilt wem ir nu gebieten
welt.

Iu hat unz uf den ende gedienet rudeger der helt.
30 Welt ir des niht gelouben man solz iuch sehen lan.
Durch ir hercen leide so wart daz getan.

Man truoch den helt verhowen da in der kunic
ersach.

Den ezeln degenen so rehte leide nie geschach.
Do si den marcgraven sahen toten tragen.

35 Ezn chunde ein schribere geprievn noch gesagen.
Die manigen ungebare der wib und man.
Von ir hercen swære alda bezeigen began.
Do wart der ezeln iamer so storch und also groz.
Als eins lewen stimme der riche kunic erdoz.

40 Mit hercen leidem wuofe alsam tet ouch sin
Wip.

Si chlageten ungefuge des guten rudegeres lip.

DIETRICHES RECHEN ERSLAGEN.

3742 Do hort man allenthalben iamer also groz.
Daz palas und turne von dem wuofe erdoz.
Do hort ez ouch von berne ein dietriches man.

45 Durch difu starchen mære wie bald er gahen began.
Do sprach er zuo dem fursten hort min herr dietrich.
Swaz ich her gelebt han so reht unmugelich.
Gehort ich klage nie mere als ich nu han vernomen.
Ich wæn der kunic ezele ist selbe zu dem schaden
chomen.

50 Wie mähtens anders alle haben solhe not.
Der chunic oder chriemhilde ir einez daz ist tot.
Von den chunen gesten durch ir nit gelegen.
Ez weiner harte fere vil manic uzerweiter degen.
Do sprach der helt von berne mine lieben man.

55 Nune gahet niht ze fere swas hie hant getan.
Die ellenden rechen des get in michel not.
Und lat si des geniezen daz ich in minen vride bot.

3758 Do sprach der chune wolfhart ich wil dar gan.
Und wil der mære vragen waz si haben getan.

60 Und wils iu sagen denne vil lieber herre min.
Als ich ez rehte ervinde waz diu rede muege sin.
Do sprach der herre dietrich swa man zornes sich
versiht.

Ob ungefuge vrage denne da geschieht.
Daz betruebet rechen vil lihte danne ir muot.

65 Iane wil ich niht wolfhart daz ir die vrage da zin
tuot.

Do hiez er helfrichen vil balde dar gan.
Und bat in daz ervinden an ezeln man.
Oder an den gesten selben waz ware da geschehen.
Done het er nie von luten so grozer iamer mer
gesehen.

70 Der bote vragte balde waz ist hic getan.
Do seit man im diu mære da ist vil gar zergan.

P 3

3772 Swaz